

入行32年的戴耀明作品無數，雖然不是當主角，但不少角色都令觀眾難忘，包括《巾幗英雄之義海豪情》的「向山達也」、《鐵馬尋橋》的「排長」、《青春不要臉》的「李天光」及《新四十二章》的「施朗」等。他表示很感激《青春不要臉》監製找他演藝員訓練班班主任：「從來冇人夠膽搵我做一個好正經、好有演藝修養嘅人，所以我覺得自己好破格，多謝監製夠膽用一個經常做黑社會嘅人去演老師。」

他另一喜歡的角色是《新四十二章》的「施朗」，他說：「我第一次演武林高手，亦叫做同一個女仔鄭潔楹有一種患得患失嘅喜歡感覺，到最後死咗佢懷裏，嗰個感覺好凄美，亦係我無綫好少有呢啲機會演出。」

最想演「一拳超人」

戴耀明曾於內地網絡電影《爆裂老婆三歲夫》演男主角，但於無綫只當配角，他自認沒有一線小生的樣貌，但希望終有一日可以做無綫劇的男主角：「我知道自己個樣唔係黃宗澤、陳豪、馬國明嘅小生樣，所以我做主角都可能係一個小人物。我嘅終極夢想就係希望做日本動漫嘅『一拳超人』，因為佢就係一個社會上嘅小人物，但係當佢要保護人類時，佢就變成一個好強大概強者，佢平時嘅日常生活可能係條條俾人食咗都會唔開心，嗰個小人物嘅角色我覺得比較接近我。」

無綫不少綠葉出名好戲，戴耀明更獲網民愛戴，但他謙稱從不覺得自己演技好，很多時都靠觀察別人來提升演技：「我好怕自己做咗咁多年做到順滑咗，其實我好鍾意行路，喺鬧市我可以行兩三個鐘，因為街上面有好多唔同嘅路人都係一個角色，我覺得都可以作為我嘅圖書館。例如好多人覺得醫生好似電視上面嘅生活，佢哋唔煙唔酒，但我現實生活識得有醫生朋友會落夜總會同又煙又酒，我覺得呢啲先係角色最真實嘅一面。同理我會睇一啲新人演出，會令我學到嘢，因為新人冇包袱，亦都冇乜演技基礎，所以佢哋嘅演出可能係最自然、冇修飾技巧、冇所謂用演技去演出，正正呢啲就係我需要嘅嘢。依家啲觀眾好聰明，你係扮緊醫生定係你男人感覺真係一個醫生，觀眾係睇得出。」



經常演壞人的戴耀明很開心在《青春不要臉》演老師。



戴耀明與陳曉華於《巾》劇有不少對手戲。

有諗過做KOL

眾所周知，就算戴耀明有女朋友，亦不避忌稱視佢詩曼為夢中情人，不過最近他「移情別戀」，公開向陳曉華「示愛」。他坦言最欣賞陳曉華努力演戲及「唔扮嘢」。問到若有機會跟兩人演情侶？最想演什麼角色？他說：「因為阿佢俾人感覺係好有氣場嘅女人，我會揀一個市井之徒遇上一個女強人，最後呢個市井之徒做咗一啲好偉大嘅事情，感動到呢個女強人。如果係陳曉華，我會揀做一個江湖大佬遇上一個純情小花貓，呢個江湖大佬面對小花貓時變得束手無策，俾呢隻小花貓馴服咗。我相信反差愈大，觀眾會鍾意睇。」

不少藝人轉型做KOL，更會在YouTube開頻道拍短劇，做得有聲有色。不過戴耀明從未想過，就算有機會自編自導自演做男主角，他暫時亦不會考慮：「我份人好衰㗎，你可以話係懶惰。我好鍾意隨心做一啲事情，如果要規定我去為咗某一啲嘢而要好規律經常去做，可能久而久之就會想放棄。」

戴耀明熱愛演戲，從沒想過退出幕前。

戴耀明與《一拳超人》主角「埼玉」撞樣。

自知唔靚仔
靠小人物發圍

戴耀明男一夢不死

冀與陳曉華談情

陳曉華演情侶，但仍希望當上男一，最想與心目中的女神文：記章民章

陳曉華靚女又勤力，獲戴耀明睇好前途無限。



曾參加《新秀》的戴耀明早前在《歡樂滿東華》大展歌喉。



戴耀明曾於內地網絡電影《爆裂老婆三歲夫》演男主角。

否認性格孤僻 朋友貴精不貴多

早前戴耀明久未拍劇，被拍得在茶餐廳工作幫補生計，不少網民讚他自食其力，但好友林敬剛則指現時很少聯絡他，並覺得他的性格變得孤僻，戴耀明解釋：「其實我性格冇乜點變，好多時朋友與朋友嘅約會，我都盡量出席，可能佢經常喺內地，又或者佢喺香港，咁啱我要開工。不過我承認一樣嘢，人年紀越大，朋友嘅數目可能會越嚟越少，可能係貴精不貴多。」